

նրա՝ հաստատէին զեկեղեցի Աստուծոյ ի կայարանի խաչին, գոր հին եկեղեցի տեղւոյն անուանէին, որում Գիսն կոչեն: Այլ և յետ բազում ժամանակաց վեհազգի ոմն իշխան Վարդապետ զանուն՝ յԱռանշահիկ տոհմէ, կամեցեալ նորոգել զհին եկեղեցին և ոչ կարէր քակել զաղիւսաշատ պոյր գմբեթին, զի բնակեալ էր անդ խաչն տէրունական և նշխարք վկայիցն:

Գլ. իւր.

Յետ սրբոյն Մաշտոցի սուղինչ անցեալ ժամանակ՝ նորին աշակերտեալքն որք ի կողմանս գաւառացն Աղուանից, գումարեալք ի մի վայր յազդմանէ սուրբ Հոգւոյն և խորհրդազգացք լինելով՝ փութային հասանել գործոց բարեաց: «Զինչ մեք արասցուք ասեն, զի որ մեր լուսաւորութեան էր առիթ՝ ննջեաց ի Քրիստոս, և արհա՛ ի նմանէ մնացեալ եմք որքք. եկանք եղբանք յԱստուածային ի քաղաքն Երուսաղէմ երթիցուք և ի նոցանէ խնդրեսցուք մեզ առաջնորդ, զի բնական լուսաւորութեան երկրիս արեւելից ի ձեռն սրբոյն Եղիշայի յԵրուսաղէմէ եղեալ է սկիզբն»: Յայնժամ հանդերձեցան, կազմեցան յերիս բաժանեալ գունդս, և համբարձեալ ի կողմանցն Աղուանից՝ յառաջ խաղային առ սահմանօք Ասորեստանի և երթեալ հետևողաբար յԵրուսաղէմեան հասանէին քաղաքն և մտեալ յաստուածաբնակ եկեղեցին՝ երկրպագանէին ամենակեցոյց Փայտին Կենաց: Եւ հանդիպեցան հոգեգուարն աստուածազարդ Հայրապետին, տուեալ ողջոյն եկեղեցւոյն՝ խոնարհամիտ համբուրիւ ընկալեալ ի նոցանէ լինէին: Եւ զչան քրտանց Սրբոյն Մաշտոցի բովանդակ պատմէին առաջի սրբոյ Հայրապետին, եթէ զինչ դունակ սքանչելիօք առ բարբարոսականսն կատարեալ լինէին ուղղութիւնք: Զոր լսելով նոցա, մեծաւ խնդութեամբ ընկալեալ՝ բազում մեծարանս ցուցանէին խնամով, և առնէին անդ աւուրս բազումս՝ յարելով ինքեանս արս երիս աստուածատէր քահանայս, որոց առաջինն Աթանասիոս, զնոսա ողորդական բանիւք հաւանեցուցանէին զալ ընդ իւրեանս, զի առաջնորդութեան զնոսա վիճակեցուցեն աշխարհին իւրեանց: Եւ կատարեալ նոցա զերկրպա-